

■ ■ DAN HAGEN

dan.hagen@ta.no



CD

«Belezza Crudel» av Antonio Vivaldi

ARTIST: Barokkanerne og Tone Wik (sopran)

PLATESELSKAP: Lindberg Lyd



Finslipt barokk

Antonio Vivaldi, barokkens komponist framfor nokon, var utruleg produktiv. Meir enn 400 konsertar skriv seg frå hans hand. På denne heilt igjennom velykka cd-en høyrer vi eit knippe konsertar og kantatar med Barokkanarane og sopranen Tone Wik.

Vivaldis kantatar er som små opera-novellar, der solisten har berre ei handfull

musikarar med seg på scenen. Her er sjølvstekt barokkfiolinar, bratsj og cello, og karakteristisk for Vivaldi er hans utstrakte bruk av fagotten. Cd-en med i alt 20 enkel-tariar og satsar er som ei veritabel perlerad av musikk. Mellom høgdepunkta ein nesten uuthaldeleg

vakker largo med altblokkfløyte-solo, og Tone Wiks klokkeklare koloratur er ei sak for seg. Høyr berre arien til kjærleiksguden Cupido i kantaten «Hvilken glede gir lengsel, du arme hjerte». Elles gler det ein lokalpatriot å sjå Dalens Karolina Radziej blant fiolinistane i den iøyrefallande fagott-konserten.

Barokkanerne har i Cafeteateret fått ein eigen arena i hovudstaden, mens opptaka til dette albumet er gjort i Jar kirke. Lydbiletet er som alltid frå 2L nær det perfekte. Dessutan er cd-coveret både lekert og innhaldsrikt.

■ ■ TORE SKAUG